



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Appellatio Per Reverendissimvm Dominvm
Archiepiscopvm Colonien. interposita in negotio
Religionis**

Hermann <V., Köln, Erzbischof>

[Köln], [1545]

VD16 K 1730

Tenor Vero Appellationis pergaminiæ schedulæ, de qua suprà fit mentio,
sequitur de uerbo ad uerbum, & est talis.

urn:nbn:de:hbz:466:1-35032

us & efficacius dare debuimus & potuimus, deditus & assignauimus, da-
mus & assignamus praesentis publici instrumenti tenore. Super quibus omni-
bus & singulis praemissis predictis Reuerendissimus Archiepiscopus Co-
loniensis, Princeps elector, dominus meus gratiosissimus, a me Notario publi-
co infra scripto unum uel plura publicum uel publica confici atque dari peti-
tum instrumentum & instrumenta in meliori forma. Acta fuerunt & sunt hæc
Brulæ in arce Reuerendissimi Archiepiscopi predicti, sub anno Domini
ni, Indictione die, mense, hora & Imperio, quibus supra. Praesenti-
bus ibidem ualidis, egregijs ac discretis uiris, Hermanno a

Fischenich praefecto in Bruell, Iohanne Richui-
no Iurium Licentiato, Constantino

Tricht praefecto in Go-

desberch, & Io-
hannic

Briell, testibus ad praemissa uoca-
tis pariter & ro-
gatis,

S T E N O R V E R O A P P E L L A T I O N

nis pergamenæ schedulæ, de qua supra fit men-
tio, sequitur de uerbo aduerbum,

& est talis.

M *vij* Cum



VM VIS NVLLA

GRAVIOR INFERRI, NVLLA OF-
fensio ad perturbandam Christianæ Reipublicæ tranquil-
litatem excogitari posset uchementior, quam retardare ac
impedire, neuetus Ecclesia Euangelicis literis, Prophetar-
um ac Apostolorum scriptis conformata adducatur in eam ueræ Religio-
nis, pietatis & doctrinæ lucem splendoremq; unde superioribus annis, laben-
te disciplina ueteri, in prodigiosas quasdam Ceremonias ac doctrinæ depra-
uationem deiecta est, recteq; cum humano, tum etiam diuino iure ac lege indu-
ctum sit appellandi remedium ad defensionem alleuationemq; eorum, qui præ-
ter leges & aequitatem in grauem uitæ, fortunæ, ac dignitatis dimicationem
periculumq; aduersariorum odio adducuntur, magnam certe & necessariam
causam habemus nos **H E R M A N N V S** De gratia Archiepisco-
pus Colonensis, Princeps Elector, &c. quamobrem coram te, honorabili no-
bis dilecto Adamo Richardi, Decano collegiatæ Ecclesie Bonnensis, tan-
quam spectabili persona, etiam Syndico nostro, necnon Notario publico &
testibus hic præsentibus, de ijs iniurijs, grauaminibus, nouationibus, recusa-
tionibus, & maximis offenditionibus prouocemus, protestemur atque appelle-
mus, quæ nobis factione & insidiosis conatibus certorum hominum ex Vene-
rabili Capitulo nostro Colonensi, Cleri item & Uniuersitatis illiberali-
ter illatae sunt, & inferri grauius porro possint, ac proinde etiam appellandi
prouocandiq; animo dicimus, conquerimur & allegamus, Quod cum in Re-
formandis Ecclesijs, quæ fœdis & impijs hominum erroribus conspurcatæ
uidentur, cum primis ad sacrosanctum Dei Euangeliū, Prophetarum atque
Apostolorum doctrinam spectandum sit, ad eiusq; rationem, ueluti certam
& firmam Ecclesie Dei bene ac sancte gerendæ regulam, omnia referenda
sint ac corrigenda, quæ uel hominum erroribus, uel doctrinæ deprauatione, uel
abusuum impietate in peius corrueunt.

Nos autem, quod sine ulla nostri arrogantia dictum uelimus, eo ingenij no-
struim, studia, atq; uitæ actiones libenter, & pro imposita nobis Pastorali cu-
ra conuertamus, hoc intueamur, ut quod publico omnium bono ac saluti effe pos-
sit, Ecclesiam à multis & magnis erroribus repurgemus. Illiberaliter sane,
& præter omnem pietatem, faciunt aduersarij prædicti, quod tam sanctum
& pius nostrum conatum prouocationis temeritate retardant, & cuius iuu-
re debebant, eius actiones omnes, & quicquid pro reformata Ecclesia, quæ
homi

hominum erroribus ac doctrina impia misere corrupta iacet, piē à nobis uel
suscipitur uel proponitur, uarie ac cupide perturbant, in grauiſſimā ſpē & falſas
ſcriminatione adducunt. Nam cum omnes, qui ſaluum eſſe Christianam
Rēpublicam cupimus, hoc ſpectare praecepue debemus, ut extet uera Dei
Ecclesia, nulla doctrina falſa aut hominum erroribus defœdata: tum nulla laus
maior, quam eius hominis eſſe potest, qui nulla re perinde atque communi uirtutis
uoluntate commotus, uerbum Dei diuinitus nobis in ſcripturis ſacris reuelau-
tum, cunctis proponit amplectendum: qui omnes res bene ac plæclare gerendas,
omnes uite actiones, omnes deniq; animorum ſenſus ad illius regulam ac nor-
mam conformandas eſſe existimat. Eſt enim uerbum Dei certa quædam ac in-
flexibilis regula, ad quam omnes nos actiones noſtras cōponere oportet. Neq;
dubium eſt, quin nihil uerbo Dei uel addendum uel detrahendum ſit, aut illa falſa
doctrina, uilla idolatria, impiusq; ac prophanus cultus in Ecclesia & po-
pulo Dei ſit tolerandus: ſed potius quamprimum abrogandum, ex omniq; homi-
num memoria delendum ſit, quicquid à uerbo Dei, à Prophetarū & Apoſto-
lorum ſcriptis ſit alienum ac diſſentiens: id quod exempla patrum, Moſis, Da-
uidis, Iofuē, Iosaphat, aliorumq; Prophetarum ueteris T eſtamenti abunde-
teſtantur, & conſirmat uox illa de cœlo facta & in nouo T eſtamento com-
prehensa: Nempe: Hic eſt filius meus dilectus, ipſum audite. Et rursus: Ques-
mea uocem meam audiunt, & non cognofcunt uocem alienorum. Quemadmodū
etiam Apoſtolus Paulus uoluit anathema eſſe, ſi angelus de cœlo aliud Euā-
gelizasset. Quoniam fundamentum aliud ponи non potest præter id, quod poſ-
tum eſt, quod eſt Ieſus Christus. Sic enim omnis ſcriptura diuinitus inspira-
ta utilis eſt ad docendū, ad arguendum, ad corripiendū, & ad erudiendū in iu-
ſitia: ut perfectus ſit homo Dei ad omne opus bonum inſtructus. Neq; aliud
canonicis Sanctionibus docetur, quam ſolum Christum audiendum eſſe: nec at-
tendendum, quid aliquis ante nos faciendum putauerit: ſed quid primus, qui an-
te omnes eſt, Christus faciendum eſſe præceperit. Neque enim hominis conſue-
tudinem ſequi nos oportet, ſed Dei ueritatem, cum per Eſaiam Prophetam lo-
quatur & dicat dominus: Sine cauſa, inquit, colunt me, mandata & doctri-
nas hominum docentes, ſatiſq; conſtat in ſpiritualibus ſequendum eſſe, non
quod conſuetudine introduclum eſt, ſed illud, quod à ſpiritu ſancto melius exti-
tit reuelatum. Semper enim ueritas proponenda eſt conſuetudini, ut pote que ue-
ritatis præſidio deſtituta, uetus uas erroris eſt. Et alibi Auguſtinus: Ego
ſolum, ait, ijs ſcriptorum authoribus, qui canonicī appellantur, hunc honorem
referre didici, ut nullum eorum ſcribendo errasse credam: & quis neſciat omni-
um Epifcoporum ſcriptis ſacram ſcripturam præponendam eſſe? ita ut de illa
dubitari diſceptariq; non poſſit, utrum uerum uel utrum reuelatum ſit, quicquid in
eo ſcriptum eſt, uel conſliterit eſſe.

A iiiij Et ſa-

Et sane proprium ac peculiare munus seu officium Episcopi est, curare ut
delicet ac diligenter prouidere, ut populus suæ fidei concreditus, non solù re-
cta sanaq; doctrina erudiatur, uerū etiam errores atq; abusus, si qui in Eccle-
siam irrepserint, gladio diuini uerbi resecentur: atq; adeo, ubi aperte Domi-
nus uel eius Apostoli & qui eos secuti sunt, sancti patres, sententialiter alii
quid diffiniuerint, id usq; ad animam & sanguinē confirmare, nedum quicquā,
quod in contrarium quoquo modo inductum sit, aut praua consuetudine, ac mo-
ribus malis in Ecclesiā irrepserit, tolerare uel disimulare: sed in eam potius
animi curam incumbere, ut una cum alijs Episcopis & clericis suis, si possit: sin
minus, ut solus Ecclesiās suæ fidei commissas ita procuret, ne idoneis desti-
tuantur ministris, qui & uelint & possint plebem pabulo sermonis Euangeli-
ci reficere, Sacraenta fideliter, & iuxta ritum uerē Apostolicum adminis-
trare, & salutarem disciplinæ professionem in fide Christi uniuerso populo
proponere. Hæc enim duo sunt ueri Pontificis opera, ut scilicet à Deo discat
scripturas diuinæ legendo & sèpius meditando, & ut populum doceat, sed
etiam doceat, quæ à Deo ipse didicerit, non quæ ex proprio corde, uel sen-
su humano ipse sibi desumpserit, utq; exemplo Apostoli Dei oportune &
importune docendo instet: Ecclesiāq; suam amare, instruere ac prudenter re-
gere satagit: uitia ipse nec habeat, nec in alijs ferat, omniaq; summo studio,
& perpetua erga Deum uoluntate faciat, quæ cum salute æterna sunt coniun-
cta. Et quemadmodum hæc uera & solida sunt Episcopi officia in Ecclesia
Dei bene ac foeliciter regenda, ita contrà Ecclesiām sive populum Christianum
magnopere decet, ad eorum se præceptiones, doctrinam atq; institutio-
nem conformare, qui omnes labores pro augenda & amplificanda gloria Dei
fuscipliunt: suspicere & cum magna reverentia imitari doctrinam sui Episco-
pi, eundemq; non aliter, quam Dei legatum, & ueritatis præconem amare.
Imo, si ita uel causa uel casus etiam postulat, eundem suum Episcopum, in cau-
sa maxime honesta & necessaria, qualis potissimum est Religionis ac fidei
Christianæ, propugnare ac tueri: propterea quod Episcopus in eiusmodi fi-
dei atq; Religionis causa possit etiam contra generalia Concilia & Cano-
nes statuere atq; ordinare.

Hæc causa si nos in hac grauißima nostra Episcopali functione non com-
moneret, ut laborantis Ecclesiæ, & in maximam doctrinæ depravationem ad-
ductæ, partes omnes in tutelam ac fidem nostram suscipere uelimus: si non na-
turæ impetu, & perpetua in Christianam Rempubli. uoluntate impellere
mur ad repurgandos Ecclesiæ errores: tamen hanc operam, quam soli Deo im-
pendimus, detrectare bona conscientia non possemus: propterea quod nostro
nos deesse officio à Deo nobis iniuncto non oportet. Et nemo ignorat, in Co-
mitijs Ratisponæ per Cæsaream Maiestatem dominum nostrum clemen-
tissimum,

eiſimum, reliquosq; Imperij ordines, grauiter constitutū iniunctumq; eſſe omnib; in uniuersum Episcopis & Ecclesiæ pralatis, ut ipſi inter ſe & quiſquis apud ſuos Christianam Reformationem conciperet, ceterisq; imitandam proponeret, quæ ad decentem & salutarem Eccleſiarum administrationem uſque ad futurum generale aut nationale Concilium deſeruiret. Item integrum ac liberum relictum eſſe statibus Imperij in ſuis ditionibus de Religione Christiane ac pie conſtituere, decretumq; Augustanum, quantum ad Religionem ſpectat, in posterum locum, potest atemq; nullam habiturum, quod & nuperiore Spiræ in Comitijs rurſus renouatum & conſirmatum eſt.

Quanquam autem in hoc etatis noſtræ declinantis curriculo, & graui quodam flexu, nihil maiori ſtudio optemus, quam ut omnia in Eccleſia Dei transquilla, pura, & ad Iesu Christi, Prophetarum atq; Apoſtolorum doctri- nam eſſe poſſent conſirmata: cum tamen nos in hanc reformandæ Eccleſiae cu- ram ultro incumbentes ſuperioribus annis Comitijs indictis, admirabili con- feſſione rogaſent Diocœſeos ac prouinciae noſtræ Colonien. ordines omnes, præcipue uero Venerabile Capitulum noſtrum, ut iuxta Ratiſbonen. receſſum in Diocœſi noſtra piam & salutarem Eccleſijs Reformationem, non no- mine duntaxat, ſed potius re ipſa conſtituere uellemus, eoq; facto, animiq; iudi- cio plane conſiterentur, priorem eam uidelicet Reformationem, quæ anno tri- ceſimo ſexto in prouinciali, ut uocant, Conclilio, ſub nomine & titulo noſtro adiuta eſt, nequaquam ad tam arduum negotium pie & salutaris Eccleſiaſtice Reformationis ſufficere poſſe: quemadmodum etiam ad conſtituendam ueram & ſolidam Dei Eccleſiam ſatis eſſe, aut inueniſſos errores repurgare non po- tuit: detrēclare hanc operam, aut negligere ordinum ac ſtatuum noſtrorū, præ- tipue uero Venerabilis noſtri Capituli uoluntatem petitionemq; amplius non debebamus: quo minus id, quod tantopere deſiderabatur, tandem præſtarē- mus: formam uidelicet, aut conſultationem Eccleſiae ac Religionis pure, re- cle & pie conſtituendæ. Quod etiam eo maiore cum ſtudio ac ſollicitudine fa- ciendum nobis eſſe putauimus, quod non ignoraremus, quam multa & paſsim, præcipue uero in eam Eccleſiam, cui nos præfecti ſumus, irrepſiſſent, quæ cum uerbo Dei & ueteris Eccleſiae typo, cum Prophetarum ac Apoſtolorum do- ctriña plane pugnarent: adeoq; omnia recte uiuendi præcepta, peſtimis hominū erroribus, abuſuum uitijſ & conſuetudine mala deprauata eſſe, ut uix ueritati- um aliquod primitiæ illius ac uerè Apoſtolicæ ac Catholicæ Eccleſiae ſu- peresse uideri poſſit. Nam & ſacerdotes & quicunq; regendis Eccleſijs atq; adminiſtrandis Sacramentis, docendoq; populo præfecti fuerant, in eam offi- ciij Pastoralis negleciōnem coniecliſunt, ocio, luxu, ac corporis mollicie fra- di: ut nec ipſi ſolidam ſcripturarū cognitionem ad instituendam plebem ade- ferre: nec alios pie ac recte docere potuerint, quod ipſi negligenter non didi- ciſſent:

cissent: contenti pro catechismo ineptas quasdam & pueriles traditiones, pro veritate Euangelij prophanas & impias hominum assertiones docere, quo etiam factum est, ut Sacramentorum uera illa & salutaris dispensatio una cum Ecclesiæ disciplina prorsum neglecta fuerit ac conculcata. Vnde desolatio Parochiarum ac horribilis quædam uastatio in populo Dei consecuta fuit, quæ non solum nos, sed omnes in uniuersum Episcopos ad Christianam ueræ piam & salutarem Reformationem ex debita Pastoralis officij sollicitudine incitare ac compellere merito debebat.

Hanc Ecclesiæ laborantis & propè depositæ curam cum ad animum memoriamq; reuocaremus: non destitimus eos præsertim, qui ex Venerabili Capitulo nostro & Clero Colonien. plus cæteris & animi & industria ad hanc rem conficiendam conferre posse uidebantur, monere & rogare, ut rationem aliquam ac formam solidæ ac Christianæ Reformationis conciperent. Quoq; maturius istud ac commodius præstare possent, ijsdem uâ cum certis alijs ad hanc rem delectis materiam ac ueluti syluam quandam futuræ Reformationis exhibuimus, mandantes, ut quæcunq; scripta ac tradita essent, quam diligentissime in domino Iesu Christo expenderent, suumq; iudicium, quæ addenda uel referenda forent, liberè & sincerè interponerent. Et ut omnes laborantis ac desertæ Ecclesiæ partes in integrum statum restituerentur, negotiū eisdem dedimus inueniendi ac diligendi uerbi Dei concionatores, qui Ecclesiæ sanctæ gerendæ, Sacramentis administrandis, erudiendoq; populo præesse possent. Noluimus enim in hoc grauissimo ætatis nostræ deflexu, tanquam postremo uitæ curriculo quicquam omittere, quod cum solidâ & perfectâ reformandæ Ecclesiæ ratione uideri posset coniunctum, idq; eo consilio, quo nos syluam seu materiam sic, ut præmittitur, ab ijsdem deputatis reuisam, deinceps Capitulo nostro & reliquo Clero amplius expendendam offerre possemus. Quatamen in re ac pia sollicitudine nostra, quam hactenus restaurandæ Ecclesiæ impendimus, uehementer dolendum, etiam ægrè ferendum est, non potuisse nos, id quod piè & legitime petebamus, ab ijs, qui ad curam ac rationē incundæ ac concipiendæ Reformationis ueræ religionis delecti & deputati essent, obtinere aut consequi. Nam præterquam, quod syluam seu materiam prædictam diu admodum ac longo tempore apud seruinuerint, ac concipiendæ plenioris Reformationis munus de die in diem extraxerint, etiam de fidelibus uerbi ministris ac concionatoribus prædictis diligentiam aliquam adhibere non curauerunt. Ne illud addamus, quod tamen dissimulare sine iusto animi nostri dolore non possumus, nos ex inspectione materiæ seu syluæ prædictæ, posteaquam et tandem per eosdem delectos seu deputatos reuisa ac nobis restituta fuit, in ueritate comperisse prædictos delectos seu deputatos in reuisione seu collatione multorum articulorum aduere piam & Christianam Reformationem uti liter

littere & necessario pertinentium, ueritatem diuini uerbi ac uere apostolicā traditionem, priuatis ac humanis suis affectionibus postposuisse: uariosq; abusus ac errores contra uerbum Dei ac uere apostolicas traditiones subortas, palliū affe uerius quā emendaſſe. Quamobrē cum præter spem expectationemq; nostram agnoscemus restituendae Ecclesiæ ac ueteris doctrinæ curā a Deputatis deponi, nec ullam admittiri seriam actionē, qua Ecclesijs tam misere collectis re ipsa succurri posset, desolationem uero & uastationem Ecclesiarum inde dies horribiliter augeri, doctrinā subinde magis magisq; corrumpi, Sacramentorum administrationem peruersti, & quod sine cuiusq; iniuria in tota hac causa dictum esse uelimus, de eoq; protestamur, cum portentosas idolatrias immane multiplicari, eos Parochijs præfici, sacerdotijs cumulari, a quibus nihil quam totius ueteris ac uerae Religionis consultatio expetenda foret, uideremus: cum denique intercisa spe omni, nihil subsidij in nostris ad hanc rem conficiendam reliquum esse plane perspiceremus, coacti sumus in retam ardua & necessaria constitunda, aut aliorum bonoru ac piorum uirorum opera uti, aut conceptum semel ac diu desideratum Reformationis opus intermittere prorsus ac deserere. Quorum alterum ut facheremus, ipsius causæ magnitudo postulabat: Alterum sine impietate facere non potuimus.

Idcirco ne diutius à spinis uias & à tribulis ficus fruſtrā colligere uelle uideremur, quosdam boni testimonij uiros, rerum spiritualium peritos, & qui nuper à Cæsarea Maiestate & statibus Imperij Ratisponæ ad huiusmodi negotia adhibiti, etiam ab aduersariorum primarijs & antesignanis, nobis multisq; alijs præstantibus uiris ob singularem animi pietatem, moderationem uite, ac doctrinam multiplicem magnopere laudati sunt, Bonnam ad nos accersiuimus, quo futuræ Reformationi uiam quandam præpararemus, & ad eam quasi gradum quendam facheremus, nihil aliud illis cōmittendo, quam ut uerbum Dei sincere & fideliter populo annuncient, uiamq; quandam futuræ Reformationi præmunirent, abusus ac falsos illos impiosq; cultus, quantum per diuinu uerbi autoritatem uilla ratione fieri posset, initio quidem notarent, cōmonerentq; quid in uniuersa Religione, in Ecclesia Dei, in doctrina sacra sequendum & amplectendū potius foret, quam statim corrigendum, aut in ipso restaurandæ Ecclesiæ limine abolendum. Similiter simplicem quandam ac piam de-liberationem, qua ratione scilicet Christiana & in uerbo Dei fundata reformatio usq; ad futuram liberam & Christianam synodus generalem siue nationalem, etc. institui possit, perpios quosdam ac fideles non modo literarum Scientia, sed etiam uitæ sanctimonia præditos uiros conscribi fecimus, in qua nihil aliud, quam certa quædam pia ac salutaris ratio doctrinæ, administrationis Sacramentorum, Ceremoniarum, aliorumq; ministeriorum Ecclesiasticorum, non modo Euangelice ueritati, uerum etiam Apostolicis & uere catholicis

tholicis traditionibus consentiens describitur, ac uelutiforma quædam futuræ
Reformationis simpliciter & fideliter deliniatur.

Quæ omnia cum ita sint, cum in nullam propriam, aut priuatam aliquam utilitatem nostram, multo minus in damnum sive præiudicium alterius, sed in solius Dei gloriam, ac ædificationem corporis Christi, quod est Ecclesia, facta ac proposita à nobis sint, cum nullius reprehendi actio, quæ quidē cum reparanda Ecclesia Dei coniuncta sit, debeat, postremo cum onnis nostra cura, sollicitudo animi atque diligentia in hoc defixa sit, ut languens ac prope deserta Christiana Respublica in pristinum ueræ ac solidæ Religionis statu, unde nuper deiecta est, salutari uerbi Dei remedio restituatur, non licuit cuiusquam, præsertim certis aliquot hominibus ex Capitulo Ecclesiæ nostræ, Cle rojz ac Vniuersitate Colonien. prædictæ, ut tam præfracte & acerbè pijs nostris conatibus se opponerent: & quod nos pro restauratione collapse Ecclesiæ ueteris, pro augenda & amplificanda gloria Dei, pro constituenda nostra Religione, ex qua omnis salus nostra propendet, nobis sumimus, id in gravem setiam falsam criminatioñ trahere, multo uero minus etiam à nobis contumeliose deficere, aliosq; audaci confidentia ad similem defectionem non pre cibus modo hortari, sed minis etiam ac alijs machinationibus impellere.

Nihilominus tamen præmissis omnibus non attentis, sed spretis potius ac neglectis, aduersarij sanctissimo huic instituto nostro, aut potius Dei ministerio, manibus pedibusq; restiterunt, & quamplurima contra Reformatio nem nostram præsumperunt, fecerunt, & attendarunt, & indies grauiora præsumere, moliri, machinari, facere, & attentare assiduis studijs conantur. Primum enim illi, qui prioris illius Reformationis provincialis architecti fuerunt, una cum reliquis partium aduersariarū primoribus & antesignanis, partim suis & contra iura & ueterum instituta acquisitis & accumulatis sacerdotijs uitæq; licentiosæ metuentes, partim etiam, quod eo sunt prædicti ingenio, ut nisi quod ipsi fecerint, nihil reclum putent, confessim mirabili inconstancia & metamorphoſt ex laudatoribus facti sint acerbissimi uituperatores & hostes, suisq; importunis clamoribus in Capitulo Colonien. eo rem produxerūt, ut ipsi permisum sit, nomine Capituli à nobis acriter summoq; conatu contendere, quo accessitos Euangelij doctores à nobis rursus ablegare, & à cœpto Reformationis opere impiè & inuercundè desistere uelimus. Sed cum nulla bona conscientia eos, quos noueramus Euangelium Christi pure & fideliter annunciare, tam inclementer indictaq; causa ex Diocesi ejcere possemus, præsertim quum nulli essent, qui in locum illorum surrogari, qui uero populo græ ui uerbi Dei fame laboranti, & infinitis superstitionibus misere pereunti, uti liter & laudabiliter præesse possent: ac proinde non semel, sed multoties aduersar.

i. 9. 10 Bl.
Forts.
A�ater.

Anfang Februar 1700!

Vorlesung!

zu Nr. 13

uersarios nostros rogassimus, audirent concionatores uerbi Dei, quos Ecclesiae præfecimus, atque cum his pie & Christiano more proposita civili disputatione conferrent, que ad regendam & constituendam Ecclesiam Dei necessaria sunt: Etiam arguerent ac damnarent, que in illis reprehendenda uitia criminaretur, ibi aduersarij hac deprecatione atque oblatione, licet æquissimæ esset, prorsus reiecta & explosa, scriptum composuerunt, in quo multa illi de ratione uocandi, probandi & ministros Ecclesiarum ex scripturis & canonicis congeserunt: quorum omnium ratio & doctrina, si iuxta Euangeliū Dei, Prophetarum ac Apostolorum scripta, ab ijs hodie sancte & religiose coleretur, qui diuina humanis miscent, omniaq; prophanijs Ceremonijs, fabulis, pessimisq; erroribus, corrūpunt & contamināt, rectius multo & tranquillus, non solum in Ecclesia, sed uniuersa Repub. Christiana omnia gerentur. Sed tamen aduersarij, qui illa magis confutandæ, quam reparandæ doctrinæ Christi studio collegerunt, ueriti forsitan, ne suis possessionibus, dignitatibus, & cæteris Ecclesiasticis beneficijs exciderent, accumularunt in eodem quoq; scripto gravissimas in quosdam nostrorum concionatorum criminationes, quarum eos ut conuincerent, nullis nostris postulationibus aut efflagitationibus unquam adduci potuerunt. Quin etiam sub illud tempus, anno uidelicet quadragesimotertio, quo prouinciae nostræ Coloniensis ordines ad comititia Bonnæ indicia conscripti fuerant (quos etiam certi aliquot homines ex Capitulo nostro audaci sua auctoritate præter nostram iussionem & morem ueterem cum insigni nostri contumelia comuocare conati sunt) idem scriptum de ratione uocandi & comprobandi Ecclesiarum ministros, non leuibus criminationibus recitari fecerunt, quantaq; potuerunt importunitate, contendere, ut & cæteri ordines pio & necessario Reformationis instituto resistarent, et una cum ipsis postularent, ut nos accersitos illos, qui synceram Christi doctrinam & disciplinam re ipsa restituere laborabant, à nobis removemus. His enim alegatis, facile à reali se Reformatione tutos fore sperabant: Scientes, quam pauci in Diocesi Colonien. pro Christo hac in re periclitari uellent, quam pauci quoq; sint, qui aliquid in isto præstare ministri oualeant. Quanquam autem in hoc Conuentu aduersarij nullum non mouerunt lapidem, extremaq; tentarint, quo cæteros ordines, qui nobiscum consentiebant, à piæ & syncera Reformationis instituto deducerent, & in sociatem rebellionis aduersus nos pertraheret, eaq; de causa, non absque luculenta & insigni contumelia auctoritatis nostræ cum ordinibus seorsum in usitato more egerint, eos tamen, quos accusauerant, ad respondendum coram obiectionis crimibus admittere noluerunt, etiamsi defensio nemini deneganda sit. Quibus tamen rebus omnibus non commoti, reliqui ordines constanter, ita ut bonus uiros & de Christi gloria suiq; Principis honore sollicitos decebat, in proposito persliterunt, nec se à nobis, quos nihil nisi salutem ipsorum querere

B noue

nouerant, abstrahi passi sunt: sed liberum nobis permiserunt, ut ex ipsis & alijs uiros pios & moderati ingenij deligeremus, qui communicato Consilio ratione nre conceptam formam Reformationis prædictæ una cum eis, quos ad hanc rem conficiendam delegissemus, latius expenderent, quæq; ad commodissimam Ecclesiasticæ Reformationis rationem facere quoquo modo uiderentur, latius statuere ac prescribere curarent. Quo facto aduersarij multo magis irritati inflammatijs fuerunt, nec ullum finem aut modum fecerunt, non solum deprauandi oppugnandijs hoc nostrum institutum, sed etiam infamandi eos, quorum ad id opera utebamur. Eaq; de causa illorum uocationem & ministerium acerrime impugnarunt, in eoq; scripto pleno omnis arrogantia & contumeliosa reprobationis, nos, qui de ipsis bene meriti sumus, nostrumq; institutum sanctum multis probris onerarunt. T' amet illi uocationem, innocentiam & doctrinam suam optimis & firmissimis argumentis defenderant, idq; libellis in publicum aeditis, sub titulo.

Was Euangelion nun zu Bonne im Erftstift Cöllen geleret vñnd gepredigt wirdt etc. Item/ Die andere vertheidigung vñnd erclerung der Christlichenn Leere in etlichen furnemen heuptstuckenn so dieser zeit zu Bonne/ ic.

Quæ quidem scripta nos hoc in loco & vice grauaminis pro iustificacione presentis Appellationis repetimus, atque pro repetitis haberi uolumus.
Itaq; aduersarij his omnibus posthabitis & contemptis, cum nos eodem anno secundum conuentum prouincialem indixissemus, & conscriptam Reformationis formulam (quam Capitulo aliquot ante diebus legedam inspicieندam miseramus) ordinibus prouinciae exhibuissimus, precati, ut singuli ordines certos aliquot eosq; eruditos, tranquillitatis Christianæ amantes, & bonos uiros deligeret, qui cum ijs, quos ad eam rem nos daturi eramus, conceptam à nobis Reformationem instituendæ Religionis perlegrent, omnia eius capita diligenti animi iudicio excuterent, & sicubi opus esset, corrigerent, breuiter ita perficerent, ut uerbo Dei quam maxime consentanea essent, atq; ad restituendam Ecclesijs doctrinam & disciplinam Christi quam efficacissime ualeret, non solum hanc iustissimam & per necessarium petitionem contemptim reiecerunt, uerum etiam librum à nobis oblatum contumeliose erinnati sunt, quasi innumerabilibus falsis & hereticis doctrinis præceptisq; scateret. Cuius tamen rei ut fidem facerent ac probationes adferreret, adduci nullo modo potuerunt, prætexentes angustiam temporis ad excutiendum librum non sufficientis, dariq; sibi tempus longius postulabant: Ut scilicet uniuersam Reformationem, quo minus ea pijs ingenij proponeretur, confutarent.

Quan-